

Samningur

mennta- og menningarmálaráðuneytis við Þekkingarsetur Nýheima ses um ráðstöfun rekstrarframlags í fjárlögum

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Þekkingarsetur Nýheima á Höfn Hornafirði, kt. ~~590169-4639~~, í samningi þessum nefnt Þekkingarsetur, gera með sér svofelldan samning um starfsemi og þjónustu Þekkingarseturs Nýheima.

640573-1280

1. Markmið og starfsemi

1.1. Meginmarkmið með samningi þessum eru:

- að stuðla að auknu samstarfi einstaklinga, atvinnulífs, stofnana og opinberra aðila með sérstaka áherslu á menntun, menningu, rannsóknir og nýsköpun
- að nýta þekkingu og mannauð sem liggur innan þeirra stofnana sem mynda Þekkingarsetrið Nýheima í þágu samfélagsþróunar á Suðausturlandi
- að efla menntun, stuðla að bættu framboði og aukinni fjölbreyttni náms fyrir íbúa svæðisins alla ævi í samvinnu við háskóla, framhaldsskóla, framhaldsfræðslu og fleiri aðila
- að efla menningarstarf á svæðinu með virkri miðlun og þátttöku íbúa í öndvegi
- að efla rannsóknir á atvinnulífi, náttúrufari og samfélagi, hafa frumkvæði að rannsóknaverkefnum og rannsóknastarfi á Suðausturlandi
- að stuðla að samstarfi og aukinni starfsemi þeirra aðila er stunda rannsóknir á Suðausturlandi
- að taka virkan þátt í að móta öflugt nýsköpunarumhverfi og stuðla að fjölbreytni atvinnulífs á Suðausturlandi í samstarfi við hagsmunaaðila á svæðinu
- að byggja upp og efla samstarf og tengsl hagsmunaaðila innan íslensks rannsókn- og nýsköpunarumhverfis sem og við erlenda vísindamenn og nema

1.2. Starfsemi

- að þróa ný verkefni til eflingar atvinnu- og byggðapróunar sem byggja á samþættingu rannsókna, nýsköpunar, menningar og menntunar
- að þróa nám og rannsóknir sem byggja á sérstöðu í náttúrufari, menningu og atvinnulífi á Suðausturlandi, í samstarfi við mennta-, fræðslu- og rannsóknastofnanir
- að stuðla að auknum rannsóknum og miðlun upplýsinga á menningararfi svæðisins og efla þverfaglegt samstarf hérlendis sem erlendis
- að efla enn frekar tengsl við erlenda vísindamenn og nema með samstarfsverkefnum og aðstöðu

2. Forsendur samnings og lagaheimildir

2.1. Framlag ríkisins til samnings þessa er ákveðið í fjárlögum hvers árs (fjárlagaliður 02-299-1.36) og er það 15,6 m.kr. árið 2014.

2.2. Ráðuneytið annast samskipti aðila vegna samningsins við fjármálaráðuneyti og Alþingi. Það mun beita sér fyrir því að árlegt framlag til samningsins verði í samræmi við gr. 2.1. með fyrirvara um að Þekkingarsetrið standi við skuldbindingar sínar. Gerður er fyrirvari um að stjórnvöld kunna að ákveða aðhaldsaðgerðir við samþykkt

1 R.J.
Hb

fjárlaga og á Þekkingarsetrið ekki kröfu á ríkissjóð eða rétt á bótum þótt framlag til sammingsins verði lækkað eða felld niður.

- 2.3. Verði gerð umtalsverð breyting á fjárveitingu til sammingsins í fjárlögum taka aðilar upp viðræður um aðlögun rekstrarins að breytttri fjárveitingu.
- 2.4. Framlag ríkisins skv. samningi þessum tekur breytingum samkvæmt verðlagsuppfærslu fjárlaga hvers árs.
- 2.5. Þekkingarsetrið starfar samkvæmt samþykktum sem samþykktar voru á stofnfundi þann 31. maí 2013.
- 2.6. Þekkingarsetrið starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á: eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.
- 2.7. Til þess að ná markmiðum sbr. 1. gr. hefur Þekkingarsetur Nýheima gengið frá sameiginlegri viljayfirlýsingu við Framhaldsskólann í Austur Skaftafellssýslu, Háskólafélag Suðurlands, Fræðslunet Suðurlands, Kirkjubæjarstofu, Kötlusetur, Þórbergssetur og Vatnajökulsþjóðgarð.

3. Ábyrgð styrkþega

- 3.1. Þekkingarsetrið ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Þekkingarsetrið skal geta lagt fram gögn og skýrslur þessu til staðfestingar, sé eftir því leitað.
- 3.2. Þekkingarsetrið ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. Þekkingarsetrinu er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um sammingsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir árlegt framlag sem hér segir:
 - 4.1.1. Í tólf jöfnum hlutum og er miðað við að greiða fyrsta dag hvers mánaðar. Greitt er inn á bankareikning í viðskiptabanka Þekkingarsetursins nr. 1147-15-200575
- 4.2. Þekkingarsetrið skilar ráðuneytinu:
 - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlagi og helstu starfsmarkmið sem unnið verður að, fyrir lok janúar ár hvert.
 - 4.2.2. Endurskoðaðan ársreikning ársins á undan með skýringum, fyrir lok júní ár hvert.
- 4.3. Eigi Þekkingarsetrið í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda hans, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd sammingsins.
- 5.2. Fulltrúar ráðuneytis og Þekkingarsetursins funda að lágmarki árlega um samninginn.
- 5.3. Fyrir lok júní ár hvert skilar Þekkingarsetrið ráðuneytinu greinargerð um framkvæmd sammingsins, hver staða verkefna er og hvernig framlagi var ráðstafað í samanburði við áætlun.

2
RF
HG

- 5.4. Þekkingarsetrið skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. Þekkingarsetrið veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta, þar á meðal fundargerðum, skrám, fylgiskjölum, skýrslum, bókum og bréfum.
- 5.6. Samning þennan, ársreikning þekkingarsetursins, greinargerð um framkvæmd samnings og úttektarskýrslur skal birta á vef þekkingarsetursins jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. Þekkingarsetrið setur á vefsíðu sína ýmis gögn sem eru efnislegar afurðir verkefnisins, svo sem skýrslur, leiðbeiningar og áætlanir.

6. Vanefndir og meðferð ágreinings

- 6.1. Þekkingarsetrið tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir stofnunin frá úrræðum sem hún hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli þekkingarsetrið ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Austurlands.

7. Gildistími og lok samnings

- 7.1. Samningurinn gildir frá 1. janúar 2014 til 31. desember 2016.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor samningsaðila að semja um áframhald eftir gildistíma samningsins skal hann koma því á framfæri fyrir lok febrúar það ár sem samningurinn rennur út.
- 7.4. Óski annar hvor aðila eftir að segja samningnum upp skal það gert skriflega með þriggja mánaða fyrirvara.
- 7.5. Samningur þessi er gerður í tveimur samhljóða eintökum og heldur hvor aðili eintaki.

24. janúar 2014

Hellen Gunnarsdóttir
Mennta- og menningarmálaráðuneyti
Hellen Gunnarsdóttir

Ragnildur Jónsdóttir
Þekkingarsetur Nýheima
Ragnildur Jónsdóttir